

**ORATIO F.
FRANCISCI ORANTII
HISPANI, HABITA IN
SACRA
OECUMENICA...**

Francisco Orantes



XIV
ORATIO

F. FRANCISCI ORATIONES

MISERERE

Habitu in facie deum
Synodo Trinitatis

die et festo in die et festo

anno 1762



VENEZIA: IN D. L. X. II.

MO.
 AMPLISS. AC REVER. D.
 D. CHRISTOPHORO VALTODANO,
 Episc. Palentino, Comiti Perniæ,
 & S. generalis Inquisitionis in tota Hispania
 senatori clarissimo, & uero patrono suo,
 F. Franciscus Orantius S.P.D.



1x orationem finieram apud patres sanctiss. synodi, Reuerend. Antistes, & ecce tui recordatio, quæ unice ualet ad dolores nostros undiq; profectos mitigandum, urgere me cepit, ne de ea re te dilasssem. immo uerò ius ipsum, summa prudentia stabilitum, plagiarum legem mihi obiebat: ni quoquo pacto munusculum hoc, quod tibi uero domino debebatur, uel primo ipso die amplitudini tuæ obtulissem. quanuis parte altera dolebam uehementer, tum quòd præter nescio quas lituras, nihil tersum, & à mendis liberum, atq; absolutum, penès me asseruaueram; tum uel maxime id sanè mihi summè molestiam augebat, quòd graue uidebatur has offerre primitias tam paruas, & exiguas, atq; oculis istis prorsus indignas, cui ego multo plura, & (ni philautia decipior) meliora satis, iamiam pararem nuncupare. nam neq; auctoritate quisquam apud me ualere plus potest, aut debet, neq; uoluntate. Quid plura? nullo labore uicit me benignitas illa tua, qua soles minutissima quæque, & nihili prorsus magno æstimare, de qua non ego solus, ne ad gratiam locutus uidear, sed quotquot istud immortalitate dignum ingenium norunt, dum perhonorifica nominis tui mentio illis habetur, & magnificè sentiunt, & mirabiliter loquuntur. sunt siquidem Tridenti innumeri patres, qui uirtutem plus quàm humanam, & mirabilem tuam prudentiam experti, participem te magis, & suorum laborum spectatorem, quàm auditorem, malent. O quàm illis probaretur commiseratio illa tua frequens, & crebra in hæc iniquissima tempora, in quibus nihil minus, quàm religio, & iustitia regnant. ò quàm opportuna ipsis haberetur ista præsentia, si tibi per eas, quas sustines, uehementissimas occupationes liceret adesse? libentissimè (sat ego scio) penè caelestem prudentiam tuam, pastorem curam, & flammam, quam ardentis-

simam pro matre, & sponsa Ecclesia pectore uerè pio, & sincerè Christiano gestas semper, & mirarentur, & uenerarentur. Vt nihil ego omnino attingam de mansuetudine, & tui animi candore, & beneuolentia erga eos, qui intra iustum, & rectum sese studiosè continent: ut nihil etiam hic me moretur plus quàm angelicus, zelus ille tuus diuini cultus, Præses amplissime, & implacabilis ira tua, indignatioque, qua summa dexteritate in eos exardescis, qui diabolica arrogantiâ, diuinæ maiestati, & uoluntati se opponunt; sanè tui Christiani pudoris, qui his audiendis minime delectaris, deinde magnitudinis etiam rei, quam sit impossibile calamo assequi; demum loci, & temporis, quæ omnino ab instituto hoc sunt aliena: horum, inquam, omnium habenda fuit nobis ratio, & leuiori (ut uulgò dicimus) pede, in re omnium gratissima transeundum. Postquàm ergo mansisti inuitus satis ad sarcinas, ne furto, aut sacrilegio potius, impurus quis quidquàm auferat; tibi sanè debetur, cum fratribus tuis cum hoste gloriosissimè pro domini testamento congrédientibus, iurè belli aqua portio. Quare nos omnes precibus publicis, ac priuatis (ut sòlet amplitudo tua illustrissima) iuua. Redeo ad munusculum nostrum: quod cum adèd sit minutulum, penè inscio mihi manibus exciderat. accipe ò religionis nostræ amator unice, amplissime domine, qui me pro humanitate tua plurimè facis, hoc clientis tui humillimum obsequium. Multa (probd noui) cogetur prudentia tua desiderare in oratione hac; quoniam & diès, quo habita est, (est enim longè celeberrimus) & œcumenica ipsa circumscendentium patrum corona, uel summis Angelis spectabilis, denique calamitosus, ac suspensius, & lacrymis prosequendus ecclesiæ status, locupletiores multò cuius possent polliceri. at præter quàm quòd ingenij nostri perexigua est uis, ad inueniendum, & ad effercendum inquisita parum ualemus: præter id sanè, tempus nix orationi dabatur, ut quibus neque ad boram erat dicendum. fiebat inde, ut uel Romanus Cicero eloquentiæ suæ nires, dicturus quamuis de re omnium maxima, comprimeret. At planè intelligimus, munusculum hoc qualecūq; sit, quando ex Franciscana proficiscitur officina, te grato animo accepturum. Vale per longum æuum Ecclesiæ tantæ, Præsente optime, istius senatus uerè regy decus, atque ornamentum, instituti nostri amantiissime domine, Francisci uerò tui propugnator, atque patrone, & nos, ut facis, ama. Triden. Kal. Dec. MDLXII.

Oratio

ORATIO HABITA AD³

Oecumenicam Synodum Tridentinam, à Reuerend. P. Fratre Francisco Orantio

Hispano, Minoritanæ familiæ,

sacrae Theologiæ lectore

Valisoletano,

In eodem Concilio apud patres substituto Vis-

cario, pro Reuerend. D. D. Christophoro

Valtodano Palentinae Ecclesiæ præfecto,

ac sanctæ generalis Inquisitionis in

tota Hispania censore,

die celeberrimo Sanctorum omnium,

anno 1562.

Sacerdotes tui domine, induantur iustitiam,

& sancti tui exultent. Psal. 131.

Beati, qui esuriunt, & sitiunt iustitiam.

Matth. cap. 5.



Ateor equidem, illustriss. Cardinales, qui Domini nostri Pij Quarti, patris omnium, locum tenetis, & personam sustinetis; oratores maximi, uos, qui imperij maiestatem, celsitudinemque regiam nobis præsentia refertis, generis splendore, ac rebus per uos bene gestis & ipsi clarissimi; antistites litteratissimi, qui ad Orbis totius Christiani clauum, & gubernacula lectissimi sedetis; magistri doctissimi, fateor ad dicendum de cœlesti hac, & penè diuina iustitia diem hunc Deo, iustisque omnibus sa-

erum, satis nobis contigisse opportunum. Mirè sanè ora-
 culum Dauidicum de sacerdotum iustitia, & sanctorum
 exultatione ad rectitudinem Euangelicis mentibus asser-
 uatam quadrat, quandiu mortales uixerunt, & ad su-
 premam illam suam felicitatem, quam ipsis incredibili læ-
 titia, ingentique animorum exultatione non Christianus
 Orbis tantum, sed & angelicæ mentes uoce dulcisona al-
 ternis dicentes, hodierno die iucundissimè gratulantur.
 hos cum audit Ecclesia mater cœlestes suos dedisse cantus,
 non potest (angustiis quamlibet undique pressa) non illis
 congaudere: immo uerò incredibili correpta gaudio, apo-
 strophe pulchra usa, nunc nos filios suos, nunc ipsos allo-
 quitur beatos. O filij, uita hæc nostra, quam à dulci pa-
 tria exules nos uiuimus, uerè lacrymis, & suspiriis debe-
 tur tota. At postquam dies hic sanctorum clarus gloria,
 ipsis etiam supremis ordinibus festiuior habetur, tantâ nos
 eorum lætitiâ congratulatione nostra expectatissima il-
 lis sanè cumulemus. Quare ò iusti exultate in domino,
 quibus & sors cecidit in præclaris, & hæreditas præclara
 est uobis. Spesque eadem & nobis, qui miseræ nostræ pe-
 regrinationis pertæsi ingemiscimus, interim dū nostra ia-
 citur nobis alea, multos facit animos: ut in istam dighita-
 tem suspiremus, & festinemus in istam requiem ingredi.
 Conuenit etiam Dauidicus psalmus summè & cum esurie,
 & siti, iustitiæ euangelicæ: Noui siquidem testamenti me-
 diator, quemadmodum uel Matthæo referente didicimus,
 cum uideret turbam in dies magis, ac magis increbrescere,
 montem subiit, non legem accepturus, sed cœlestes ipse
 magis explicaturus silenos, quos nunquam hominum oculus
 uiderat. Monte igitur conscenso, cœlestis philosophiæ
 doctorem agere cœpit: ipsa loci celsitudine declarans, se
 nihil plebeium traditurum, & humile, sed ardua, cœle-
 stiaque omnia, & quæ attentum auditorem requirerent.
 Aderant proximi sancti Apostoli, in pulcherrimæ coronæ
 modum circumcingentes magistrum, paulò mox legati à
 latere creandi, & qui nouas has merces in Orbem uniuersum
 inueherent, & Euangelicæ doctrinæ non dum audita
 dogmata nobis depromerent, plurimum abhorrentia ab
 opinione

4

opinione eorum, qui mundo uidentur admodum sapere. 1. ad Co-
rin. 1.
Aperuit os suum stultam faciens & inefficacem conuincens
mundi huius sapientiam, ut quæ uerum hoc beatitudinis
nostræ uel olfecisse non potuerit. Certè uel hic unus Mat-
thæi locus, ubi Christiana iustitia nobis explicatur, persua-
dere potest, multa cœlestem legislatorem nostrum Orbi
ostendisse, quæ omnino noua, & supra hominum opinio-
nem dicta esse uideantur. Initium à beatitudine orationi
suar dedit: nouerat porro ille qui finxit singillatim corda
nostra, & qui intelligit omnia opera nostra, nulla re homi-
num mentes præ beatitudine affici. Huc omnium uota
tendunt, huic nostra omnia nuncupamus. In beatitudinē
demum nimia cupiditate propendemus. Beati (inquit)
pauperes, beati qui lugent, beati qui esuriunt. O rem mi-
rā patres amplissimi, quī sibi ista coherent? Quid illi bea-
tæ uitæ omnibus diuitiis absolutæ commune, & miseriam, ac
paupertati? Quid illi exultationi, quæ sic beatorū animos
felicissimè complebit, & oculorum lacrymis? Quid illi
perfectæ felicitati, & luctui? Quid habet commune san- Psal. 16.
ctorū illa fatietas, apparente Dei gloria, cum esurie, &
siti? Demū nihil minus uidebitur beatitudo, si superficiem
attendas, quàm quæ à Christo hīc describitur; nisi quòd
studuit mirabilis hic in legislatoribus, fidei nostræ auctor
& cōsummator, omnes naturæ nostræ cupiditates, inania,
uanaque hominum commenta, hac sua oratione euertere;
dum docet his, quæ mundus uel nominare horret merce-
dis subesse plurimum, nimiumque pretij in eis delitescere:
ut quæ in sanctorum exultationem, iustorum operibus ex
fide, & gratia procedentibus, æterno Dei sædere debitam,
certissima uia sint. Est porro hæc ipsa loquendi phrasis
Dei filio non semel, aut iterum, sed sæpe familiaris. hæc
(inquit alibi patrem alloquens) est uita æterna, ut cognos- Ioan. 17.
cant te solum Deum uerum, & quem misisti Iesum Chri-
stum filium tuum. quæ sanè uerba non modò claræ illi ui-
sioni, quæ sanctos Dei manet, quando uidebunt eum sicu- 1. Ioan. 3.
ti est, congruè quis accōmodauerit; uerū, si ad fidei co-
gnitionem Euangelica prædicatione expressam de Deo &
Christo eius referre uelit, ut quòd hæc in illam certa sit uia,

2. ad Co-
rin. 3.

Paulum sanctissimum uidebitur imitatus, qui ait; Nos uero omnes reuelata facie, gloriam domini specularantes, in eadem imaginem transformamur à claritate in claritatem, tanquā à Domini spiritu. Sunt igitur beatitudines Euangelicæ istæ, non quòd hic status, absit, sed quibus finis acquiritur. Paulus etiam uniuerso Christiano negotio in

2. ad Co-
rin. 4.

spem concluso, sanctorum pressuras, quas Euangelicus sermo felicissimo nomine hic donat, non immortales spes, non perpetuas afflictiones, non sine fine mala uel suspicari nos sinit: sed contrā, leues, & momentaneas, & quæ secundum excellentiam æternam, gloriæ pondus operantur in nobis. Ut uel hac ratione beatitudo sit ea, quæ uel uno momento suprema felicitate complebitur. Quod enim parum distat, pro minimo reputatur. Noua igitur & cælestis structuræ diuinus hic architectus, qui pro Ecclesiæ suæ construenda fabrica, noctem tanquam diem transfigebat, sublimi adificationi, quæ cælos pertingeret, humilitatem, modestiam, animi prostrationem, & spiritus paupertatem, conuenientissimum fundamentum iecit. Primus

ille terræ filius Adam, cū Dei beneficentia summis ornamentis esset insignitus, cū in summum honoris fastigium euectus esset, denique cū diuitiis diuinæ gratiæ afflueret, manere poterat in suo gradu; si quidem hominem altius quā licebat, & quā fas erat, non extulisset ambitio.

At Sathana illecebris captus, contempta ueritate, miser ad mendacium deflexit. Et qui spiritu pauper esse noluit, ob superbiam, quā omnium malorum initium uocat Augustinus, ab eximia gloria, in extremam ignominiam deturbatus est. Paulus etiam sanctissimus, cū malorum

2. ad Ti-
mot. 3.

chiliadem enumerare uellet, amorem sui atque elationem, uitia cum spiritu paupertate, ex diametro bellantia, ante omnia præmisit. Hinc inanis illa hæreticorum hominum orta est gloriæ cupiditas. Hinc ipsorum temeritas, eo iniquitatis progressa, ut non regiæ uix & antiquæ pertasi tantum, quarant denia; uerū etiam ore plusquam sacrilego cælum attingentes, ipsas scripturas sacras, si semel intellexerint, ob clarissimum ipsarum testimonium nullam pati adulterinam expositionem, mox peruertunt, deturpant,

5

turpant, luxant, radunt, & infruſtra immaniſſimè ſecant.
 Et (ut ſemel omnia dicam) ſpiritus elatio, auctore Au-
 guſtino, non niſi Dei contemptu terminatur. Totius ergo
 boni initium (ſanctiſſimi Domini) humilitas eſt, & to-
 tius mali, ſuperbia. Denique & perditionis initium à ſu-
 perbia exit per diabolum: at ſalutis initium ab humilitate
 per Chriſtum. Propterea conuenienter & omnium beati-
 tudinum humilitatem conſtituit principium. quo loco di-
 ligenti conſideratione obſeruenius non dictum, Beati hu-
 miles ſpiritu, ſed, pauperes egeni, & mendici: ut ſem-
 per Dei adiutorium mendicent. Vnde in Græco, Beati
 egeni, uel beati mendici. nam pauper quidem eſt, qui an-
 guſtiam habet, non autem tantam, ut mendicare cogat-
 ur. At uerò hic, beati inquit mendici ſpiritu, ut in mul-
 ta neceſſitate humiles oſtendat. Si ergo dixiſſet, beati hu-
 miles ſpiritu, nihil amplius ſignificaiſſet, quàm humiles:
 nunc autem & pauperes, & ſecundum ſpiritum paupe-
 res, intelligentes per fidem, unde ſit, ac dimanet adiu-
 torium hominis. Vides ergo, non quamcunque humilita-
 tem, Euangelicam beatitudinem eſſe, ſed eam, quæ ex hu-
 militate naſcitur, ſpiritus paupertatem, & indigentiam.
 Qui enim iuxta Euangelij fidem humiles ſunt ſpiritu,
 pauperes, & mendici, non ex natura, ſed ex fide pau-
 peres, dum nimis timent de ſe, adiutorium Dei pulſare
 non ceſſant.

Chryſ. ſu-
per Matt.
cap. 5.

Beati qui lugent. hæc ueſtra beatitudo eſt paſtores obſer-
 uandiſſimi, qui doctores eſtis, qui & ſupra montem eſtis.
 qui enim ſua peccata lugent, beati illi ſanè, ſed medio-
 cres beati: beatioreſ uerò qui aliena lugent peccata: tales
 uos eſſe conuenit. Nam cum ſitis omnes populi Chriſtiani
 patres, quomodo lugere non poteritis: cum quotidie,
 Chriſtianorum animas uſq; ad infernum cadentes, è ueſtris
 manibus elapſas uideatis? Angelis porrò, quibus ut ſi-
 gnent Dei ſeruos demandatur cura, dictum legimus, Ite
 per Hieruſalem, & ſignate omnes qui lugent ſuper iniqui-
 tates, quæ ſunt in mediò Hieruſalem. Ea ſanè uera eſt
 Eccleſia Chriſti, cuius fundamèta ſunt in moribus ſanctis.

Ezech. 9.

1. ad Ti-
mo. 3.

Pſal. 86.

Beati mites, & manſueti, aduerſum quos neque præualere

potest peccatum, neque aduersum alterum aliquando ex illis peccandi occasio nascetur: sed studet magis iniuriam pati quam facere. *Beati qui esuriunt, & sitiunt, iustitiam.* qui nihil aliud querunt, quam ut à culpa purgati, tam ipsi, quam alij crescant in gratia: & plus patriæ quotidie appropinquent per desideria feruida: desiderantes secundum Dei iustitiam conuersari. *Beati misericordes.* qui non pauperi aut pupillo misereantur tantum, uerum inimico proprio, beneficientes ei. hic enim beatus fiducialiter adiciet, dimitte mihi debita mea domine, sicut & ego dimitto debitoribus meis. *Beati mundo corde.* qui non solum non faciunt malum, nec cogitant; sed adhuc etiam qui omne bonum & faciunt semper & cogitant. *Beati pacifici.* Pax est unigenitus Deus, de quo dicit Apostolus, Ipse enim est pax nostra, qui ergo pacem diligunt, filij sunt pacis. In hanc beatitudinem hortatur nos Propheta Regius, inquit, Cohibe linguam tuam à malo, & labia tua ne loquantur dolum: inquite pacem, & persequere eam. Demum octaua Euangelica beatitudo, uere circumcisionis martyrio (ut eleganter exprimit Hieronymus) terminatur. *Beati, inquit, qui persecutionem patiuntur propter iustitiam.* *Beati uos cum maledixerint uobis homines, & persecuti uos fuerint, & dixerint omne malum aduersum uos: mentientes propter me.* Gaudete, & exultate quoniam merces uestra multa est in celis. Cui non huc libebit cum gentium magistro Paulolo exclamare opportunè? Vbi sapientes gentium Philosophi, apud quos summa erat sapientiæ auctoritas? Vbi scriba Iudæorum doctor, & (ut egregie interpretatur Cyrillus) grammaticus, grammaticæ professor, Poetarum prælector & interpret? Vbi sæculi huius inquisitor, altercansque disputator, qui suis rationibus, & argutiis se omnia assecuturum credit, uniuersaque opinionibus quibusdam permittit, & profundissima quæque naturalibus inuestigationibus metitur? Vbi Plato alioqui doctissimus? Vbi Aristoteles sui sæculi & anima & Princeps? quotus quisque nobis beatitudinem annuntiavit? quotusquisque erroribus miseros nos complicatos, in lucem potuit asserere, cœlesti libertate donare, docere ueritatem, uanas soluere præstigias,

Matth. 6.

ad Ephes.
si. 2.

Psal. 33.

Hierony.
in Matth.
cap. 5.

1. ad Cor.
rin. 1.

Cyrill. in
Paulum.

præstigias, quibus illusi tenemur? quotusquisque oculo-
rum lacrymas, paupertatem spiritus, & id genus cætera,
æternis delitiis, summaque & infinita tranquillitate conso-
latus est aliquando? Agnoscat igitur, agnoscat cæca ho-
minum libido, neque opibus, neque luxu, neque uoluptate,
sed magis his omnino contrariis, siti, esurie, suspiriis &
lacrymis, in cœleste illud capitolium, beatissimumque se-
natorum conuentum, ubi sit futura sanctis æterna quies,
ac gloria cum Deo perennis, tanto facilius ferri nos, quan-
to prioris generis rebus magis opprimimur. Dei nihilo-
minus donum agnoscamus, qui & magnificè se nobis ap-
parere fecit, & qua iremus ad ipsum, per Prophetas olim,
nouissimè per filium, qui inde uenerat, quotidie præmon-
strat. Ecce mundi excrementum, & impiorum reiectamen-
tum, abiecti & despicabiles homines, iure hæreditario cap-
ient regnum, longè magnificentius omni regno mundi.
Ipsorum (inquit) est regnum cœlorum, ipsi possidebunt
terram, consolabuntur, filij Dei uocabuntur, misericor-
diam consequentur, Deum uidebunt; denique mercedem
habebunt repositam in cœlis. O uerè beatos & reges,
quorum & nunc etiam magnificum regnum est nulli serui-
re uitio, nullis obnoxium esse cupiditatibus, sathanicas
copias conculcare, mundum uicisse cum illis omnibus,
quæ nos terrent uel illectant. O uerè beatos, qui uisuros
se Domini bona in terra uiuentium credunt, & sperant,
& quorum lacrymæ diuinis abstergentur manibus, nimia
post lacrymarionem & fletum, exultatione perfundendos,
quos & implebit altissimus lætitia cum uultu suo. Quid
iam miramur, sanctos Dei homines curis uacuos, atque li-
beros, fretos Deo, fretos innocentia sua, fretos præmiis
futuri sæculi, tranquillo pectore contemnere ea, quæ nos
maximè & suspicimus & amamus? Nonne regnum sperant
obtinere longè pulchrius, ac longè isto magnificentius?
Verbum hoc Christi, (sanctissimi Domini) *Mercēs uestra*
multa est in cælis. quantos animos (immortalem Deum)
Euangelicis mentibus fecit? Verùm quoniam si de his per
singula dicere uellem, longum esset mihi ad omnia futu-
rum iter, nimiumque oratio nostra erraret, uenio iam ad

eam partem Daudici psalmi, & Euangelij, quæ de iustitia efurienda, & sitienda sacerdotibus sanctis est. Ad quam ut diligenter attendatis, etiam atque etiam à uobis Illustrissimi, & Reuerendissimi domini contendimus. est porro ea res huic loco, & his temporibus magnopere accommodata. Et ò utinam pro iustitia dicturo mihi coram amplissima œcumenica Patrum corona, diuinus ille spiritus assideat, quem scimus è Citharædo puero psalmodicum, quo nemo dixit: diuinus, repente inspirasse; è simplici & rudi pastore, qui nihil præter sycomoros uellere didicisset, prophetam egregium creauisse; ex tenero uix puero, accerrimum senum censorem, admirandaque præditum prudentia iudicem constituisse; ex egeno, & paupere piscatore, Ecclesiæ suæ pastorem, & qui nunquam defecet magistrum præfecisse; è rapace lupo manè rapiente elcas immanissimè, ad uesperum Agnum pacatissimum (quod & nos omnes miramur) magnificè diudentem spolia, & qui spiritus huius diuini primitias haberet, insperatò crexisse. Et ne infinita persequar, publicanum, qui nihil minus quàm literas didicisset, uel hoc super cælesti spiritu auctore, euangelistæ gloriam assequutum. Tantus ergo ac talis spiritus nostris cæptis aspiret, ut iustitiam, quæ terris penè relictis (semper reliquias cum Paulo excipio, quæ secundum electionem gratiæ, salutis factæ in Christi Ecclesia nunquam deerunt) cælum unde fuisset semel exorta, regnatum perenniter cum sanctis, uideri posset conscendisse, eam uos; Patres sanctissimi, uestra diligentia atque studio rursus inde, ad nos homines reuocetis. Mira res est iustitia, quam non qui possidet tantum, sed qui esurit, felix uel Dei testimonio habetur, nã supra hominum astimationem est; qua non qui fruitur solum, post puluerem & sanguinem, sed qui eam adhuc sitit beatus. Est ea multiplex, sublimis, una, innata, undique perfecta, absoluta numeris infinitis, ut quæ diuina. hanc esurire, aut sitire præter eum, qui ipsam induit ab æterno, cunctis religio, sed tantam mirari, adorare, uenerariq; datur. Est huic proxima altera non innata, aut sublimis quemadmodum prima illa, pura tamen & perfecta sanctorum, qui

Deo

2. Reg. 11

Amos. 1.

Dan. 13.

Ioan. 21.

Act. 9.

Marth. 8.

ad Ro. 11.

Matth. 5.

Deo fruuntur rectitudo, nunquamque intermoritura iustitia; quam esurimus, & sitimus dum dissolui, & esse cum Christo cupimus. Est tandem tertia non pura, nec perfecta, uera tamen & recta iustitia, quæ nostra est, hæc Theologicas amplexa uirtutes fidem, spem, & charitatem, uires animi uniuerfas Deo diuinisque mandatis hæere facit: quas naturæ diuinæ participes, ac Deiformes reddit.

Quæ omnia & si uera sunt, una tamen iustitia est. quam esurire & sitire induendam sacerdotibus his, qui primates habentur Ecclesiæ, longè beatissimum gloriosissimumque fuerit. Est ea eiusdem Ecclesiæ Pax, Religio, Iustitia, Sanctitudo, quæ Dei domum decet maximè. In ea enim consistit huius actionis, ac proinde huius negotij prora, pupis, que, ut dicitur: & totius Christianæ Religionis, causæ status, & cardo uertitur. Et ut inamulsi designatam intendamus, libet, Patres beatissimi, si per lacrymas licet, ad eam nos Ecclesiam conuertere, quam à Christo capite, & ab Apostolis omni iustitia & pulchritudine ornatam accepimus. Principiò, ipsa animorum & iudiciorum æqualitas, firmitate atque stabilitate sua uirtutem sequuta, huic ornatus, plurimum, & gratiæ conferebat: nihil eam deformabat: cuius singulæ partes sic in officio retinebantur, ut nihil de cœlesti forma delicerent. Deinde, diuinis hæc erat munita legibus. quarum amore dum homines flagrant, magistratum pedibus, Apostolorum scilicet aduoluti, se suæque omnia ipsis asseruandis sacrant: firmissima fide statuentes apud se, futurum aliquando, ut redeat de cœlis iudex, qui suarum legum rationem exactissimam ducat. Cuius illi aduentum conscientia bona, fide integra, intentissimisque animis expectabant assidue, diēs, noctesque Dei sui sitientes iustitiam, maioribus obseruantiam, minoribus disciplinam, omnibus demum fraternam dilectionem præstabant. Denique donius tanta uel proletariis hominibus, & ex lapide (quemadmodum uulgo dici solet) emptis peruiā pateret, portæ duæ pro sacerdotibus illæ stabant; uitæ scilicet sine labe transactæ puritas, & mysteriorum fidei nostræ cognitio certa, & clara, quæ sese in gregem dominicum diffunderet copiosissimè.

Philip. 1.

Psil. 92.

Act. 1.

Et ne nimius fini dum ex literis archanis minutissimâ
 quæque colligo, post principem Pastorum & coronam Ie-
 sum, uno aut item altero exemplo diuinæ scripturæ con-
 tentus, præteribo. Oportebat testem creati unum resurre-
 ctionis Christi, quemadmodum Petro sanctissimo sacer Dei
 spiritus suggessit; eliguntur duo, quos non uitæ sanctitas se-
 cernit, ut qui iusti ambo, non alterum notat scientia (cla-
 ruit siquidem cœlesti cognitione uterque) sorte diuina di-
 spares solū, digni ambo Episcopatu. Rursum, credentium
 numerus in dies horasq; augebatur magis, dux & Ecclesiæ
 Princeps Petrus cum undecim, Diaconos septem creat, sed
 quos? Audite. Considerate ex uobis uiri fratres (uox so-
 nuit Apostolorum) uiros boni testimonij septem: non li-
 bet, neque licet apicem unum præterire. Ecce portam
 unam, conscientiam bonam, plenos Spiritu sancto, & sa-
 pientia: en alteram, actum comodissimè sequitur: quos
 constituamus super hoc opus. Quid uos moror? Nullibi
 sanctissima Pauli anima morosior habebitur, quàm cum
 sacerdotem, & Episcopum suis dotibus ornat. Et ne uide-
 retur tātus Apostolus talem descripsisse Pastorem, qualeni
 Christi Ecclesia tunc non haberet, neque spes erat ulla, ali-
 quando habituram; quemadmodum fecere plerique per-
 fectionis oratoris ideam finientes solū; morti propè uicinus,
 se ipsum Asianis Episcopis exemplum omnino sequendum
 obiēcit, atque ad imitandum proposuit. Vos scitis à pri-
 ma die, qua ingressus sum in Asiam (hanc uocem primam
 orationis Paulinæ in Episcoporum confesso nouit multo
 melius, plurima uestra lectio, Patres literatissimi) qua-
 liter uobiscum per omne tempus fuerim seruiens Deo in hu-
 militate, & lacrymis, & tribulationibus, quæ mihi acci-
 derūt ex insidiis Iudæorum. Et ecce ego alligatus quidem
 spiritu uado in Hierusalem: quæ mihi ibidem euentura
 sunt, ignorans: sed tantum Spiritus sanctus protestatur per
 omnes ciuitates dicens mihi; Quoniam tribulationes, &
 uincula me Hierosolymis manent: sed nihil horum uereor,
 neque facio animam meam pretiosiores quàm me: dum-
 modo consummen cursum meum, & ministerium uerbi,
 quod accepi à Domino Iesu testificari Euangelium Dei.

Et

Et ecce omnes uos mihi testes estis, quoniam nullius uestrum, aurum, argentum, aut uestem concupiuerim, sed ad ea, quæ mihi opus erant, & iis, qui mecum sunt manus ista ministraverunt. Miramini satis uideo (sanctissimi Patres) ducis huius christiani exercitus, nobilissimi, plus quàm beatam animam, pectus omnino euangelicum, mentem uerè apostolicam, ab omnium cupiditate liberam prorsus: at consideratione pari precor obseruari quæ de doctrina, porta altera structuræ huius cœlestis, ibidem legimus. Ego scio (inquit) quòd post discessionem meam intrabunt in uos lupi rapaces, non parcentes gregi, & ex uobis ipsis, consurgent uiri loquentes peruersa. Quare uigilate, memoria retinentes semper, quoniam per triennium die ac nocte, non cessauì, cum lacrymis monere quenquàm uestrum. O Pastorem eximium, quem non præsentium tantùm, sed & futurorum malorum in gregem dominicum cura premebat. O uigilantem doctorem, quem neque dies, neque nox à doctrina repulit unquam. O diuinum docendi genus, quod lacrymæ exornant. hos habebat Ecclesia sacerdotes suos ad bella doctissimos, quorum doctrina, non scientia inixa solùm, sed carnis mortificatione & cruce, mundum potuit Christo principi subiugare, quauis patet. Quo loco obtestor uos, exercitus nostri nobilissimi duces, docete me, si quando in principum annalibus, aut in magnorum Regum historiis (quas & si suus cuique selectus congerat auctor, nihil me premit) legeritis unquàm, quòd oues euicerint lupos? quòd hic, qui circumibant, in meloris, in pellibus caprinis afflicti, pannoni, at Apostolica celsitudine maximi, hi inquam hi gentium castra euerterint, sic Philosophorum potentissimorum ora obturarint? Amens sim, si tu aliquando, uidisti pastorem alioqui prudētissimum, oues suas, quas unicè amat, in ipsam luporum carnificinam mediam coniecisse, ut ne fuga quidem salutem consequerentur. Dices, quis pastor hoc fecit? Respondeo, Christus sanè. Ecce ego mitto uos (inquit) sicut oues in medio luporum. Quemadmodum & scriptum legimus. Propter te mortificamur tota die: astimati sumus sicut oues occisionis: sed

Mart. 10.

ad Ro. 8.

Psal. 43.

in his omnibus superamus (uictrix exultat Pauli anima)
propter eum qui dilexit nos . omnes nos , ecce domine ,
habiti sumus propter te , ueluti oues destinata mactationi ,
omnibus obiecti & expositi , sed tamen contra tot , tanta-
que pericula , contra nouas hasce tragædias hæc una suffi-
ciens , immo uerò abundatior multo consolatio succurrit .
neque enim propter homines , aut aliud fluxum quid-
piam , id patimur : sed propter te uniuersarum rerum do-
minum . Fateor enim minimè fieri posse , ut qui homines
essent , ij infinitas mortes tolerarent . Verùm uide ne hac
quidem ratione Apostolicis animis præmia esse immi-
nuta . Mortificamur (inquit) tota die . nam ut natura sor-
titi id simus , semel tantum ut moriamur : tamen uolun-
tate id quotidie perpeti , si id in animum induxerimus ,
dedit Deus . Vnde liquet ut cum tot hinc discesserint co-
minis , quot dies uixerint . Immo uerò multo pluribus .
Sanè post cælum ipsum promissum , post regnum super-
num , post archana bona , molles adhuc , & segnes effici ui-
ros Apostolicos , rem turpem arbitrabatur hic Paulus : fa-
cta eleganti collatione ad patres , qui sub prioribus repro-
missionibus uixere ; terram laborum suorum præmium
habentes . ij sanè usque adeò tum uitam præsentem , cum
tentationes & pericula despexerūt : quemadmodum exin-
troduçto uerbo Prophetæ colligimus , ut nullam nos ue-
niam simus habituri , qui sub melioribus promissionibus
uiuimus , si ne ad parem quidem cum illis uirtutis mensu-
ram accedamus . Vide etiam ut rursus sanctissimus hic
Apostolus auditorem excitet , sublimemque ac animosum
efficiat . Sed in his omnibus plusquàm superamus , per eum
qui nos dilexit . Quod enim mirabile est , hoc est , quod
non superamus solum , sed per ea ipsa superamus , per quæ
insidias patimur : nec similiter superamus , sed plusquam
superamus , hoc est , omni cum facilitate , citra sudores ,
ac labores . Non enim molestias tolerantes , sed animum
modò præparantes , sic ubique Trophæa contra hostes sta-
tuimus . Et id iusta de causa : Deus est enim qui nobiscum
decertat . Ne igitur diffidas : Si qui flagellamur , flagellan-
tes superamus : si qui , exigimur , persequentēs , uincimus .

Si qui

9
Si qui morimur, uiuentes in fugam uertimus. Sicque ut
facile intelligant omnes, non esse insidiatoribus nostris bel-
lum contra homines susceptum, sed contra inexpugnabilem
illam potentiam, quæ uictoriam nostram, quin supra om-
nem modum eluceat, nullo inimicorum commento prohi-
beri sinit. Inspiciamus Iudæos, si placet, qui cum Apo-
stolos duces nostros in manu sua haberent, addubitantes
tamen dicebant; Quid his faciemus hominibus? O stu-
pendum miraculum Christi fortitudine dignum, carceri-
bus detinentur, magnorum criminum rei aguntur, uin-
ciuntur, & cæduntur; & tamen qui detinebant, iudica-
bant, cædebant, mentis consiliique inopes hæsitabant ad-
huc, per hæc ipsa manus dantes, ac uictos sese agnoscen-
tes, per quæ tamen uictorias se portaturos sperabant.

Act. 3.

Parum est quod dixi, neque tyrannus, neque carnifices,
neque dæmonum phalanges, neque ipse diabolus mundi
princeps superare illos ualebat: sed longè exuperabantur
omnes, considerantes apertè, quas in eos artes intende-
bant, eas omnes illis iisdem auxilio cedere. Propterea
dixit Paulus, Plusquā superamus. Noua enim uictoriæ lex
hæc erat, per ipsa eadem demum aduersantia superare, ac
nunquam superari, sed illos ipsos ita ad certamina de-
scendere, quasi exitus domini iam essent. Et id quidem
Propter eum, qui dilexit nos, & qui tantum nobis impendit.
quemadmodum legit sacer Ambrosius. Sanctus uerò Au-
gustinus, Per eum, legit, ut sit sensus, in his malis omnibus
superamus non nostra, sed Christi uirtute, qui dilexit nos.
Enimuero, Patres sanctissimi, quantum antiqui illi pri-
mates nostri consolationis impressuris, & tribulationibus,
carceribus, ac uinculis, quantum non spei solùm, sed &
uirtutis ac roboris inter medios ipsos cruciatus experiren-
tur, uel una illa sanctissimi Pauli penè cælestis gradatio,
quæ in epistola ad Romanos habetur, nobis clarè ostendit: *ad Ro. 5.*
Gloriamur, inquit, in spe gloriæ filiorum Dei. Mi-
rè sanè nos consolatur spes illa æternæ hæreditatis, quæ
Dei filiis parata est; neque hac solùm afficimur, sed & glo-
riamur in tribulationibus, scientes quòd tribulatio pa-
tientiam operatur, ut quæ occasio sit patientiæ exercendæ,

rursus patientia probationem ; reddit siquidem eum , qui
 affligitur probatum ; probatio ipsa spem (uolo dicere) spei
 uigorem operatur . Qui enim iam experientia didicit ,
 quod ob nulla aduersa dimoueri ualeat à studio uirtutis ,
 uehementer erigitur in spem uitæ cœlestis . Tandem spes
 huiusmodi afflictionibus roborata , & uegetata , non con-
 fundit : quia Dei charitas , quæ nos facit dilectores suos ,
 comunicata nobis est , ac diffusa per sanctum Dei spiritum ;
 cœu pignus hæreditatis , quatenus testaretur palam , se be-
 ne cupere nobis , & præstiturum nobis quod promisit .
 O uerè fœlicia tempora , O ætatem plusquam aureâ , quan-
 do è cauernis terræ , in quibus uix tuti manebant , è solitu-
 dinibus , in quibus errabant , è speluncis , quibus pro do-
 mibus utebantur , sacerdotes suos magistros atque pasto-
 res , non læta minus quàm de cœlo Angelos accipiebat Ec-
 clesia : quæ tot habuit , quot cœlum sydera . Horum uesti-
 giis simplex credentium multitudo pressius hærens , suo-
 rum sacerdotum sanguine accensa , nil præter Christum si-
 tiens , pro iustitia & religione , iugulum obtulisse mucro-
 ni , ingentem de Tyranno hoste triumphum arbitratur .
 Fiebat inde , quemadmodum doctissimi quique obserua-
 runt , ut Christi sponsa inter funestos fascēs , incensos i-
 gnes , nudos gladios , enses exertos , fulgentes , oppressa ,
 magis floreret , contempta cresceret , læsa uinceret , ac tum
 demum gloriosior appareret , dum uideretur superari .
 Omnia usque adeò recta ibant , ordineque suo , iuxta Apo-
 stolicum præceptum , cuncta currebant , ut difficile non fue-
 rit neque operosum , sanctissimo Christi Martyri Diony-
 sio uel abinuito extorquere Gentili aut Iudæo . Quoniam
 hæc nostra Hierarchia , quam ipse inter primas uagientis
 fascias , teneraq; incunabula attigit , ad cœlestis illius simi-
 litudinē , quæ corporis oculis minimè cerneretur in cœlis ,
 uisibilis in terris ordinata est : quam uoluit conditor Deus
 cœlestem imitari : quæadmodum & illa diuinâ refert . Vultis
 finiam ? Hæc sanè est , quam totâ miratur pulchram spon-
 sus : cui dum epithalamium ludit dulcissimè , uix à laude
 se tēperat . O quàm mihi pulchra uideris & formosa , ami-
 ca mea . Ingeminat rursus : Quàm pulchra es . Oculi tui
 columbarum .

columbarum. ut nihil attingam eorum, quæ humanos oculos fugiunt. Pulchram refert, pulchram sponsam subinde replicat, ut duplicem huius pulchritudinem insinuet; Alteram, in qua nunc quidem cernitur Christi Ecclesia, spiritu pauper & humilis, corde mitis & munda; exilij sui ab sponso lacrymas comites habens: & cum hoc alienis miseris blandiens, diuinam legem esuriens semper & sitiens (quæ uera iustitia est) & mille propter eam incommodis la celsita: at Christo suo nimium honorata. Alteram habet pulchritudinem in spe præmiorum, quam facto assequetur: cum filiorum expleto numero, per conditorem suum in cœlestem speciem, & admirandam æternitatem subleuabitur. Patent illa, dum à domo & regno sponsi exulat. latent hæc, quoniam merces ipsius multa est in cœlis. O diuinæ philosophiæ literarium ludum, cœlestis Ethicæ officinam mirabilem, palæstram ubi tot Martyres gloriosissime decertarunt amplissimam, sponsi uiridarium, tot animis uirgineæ pudicitia uirentibus, & florentibus refertissimum: Denique lapidicinam, unde præcisi tot lapides, qui supernæ illius Hierusalem muros compleant augustissimam. Proh dolor quò abiit sancta nostra? quò pulchritudo antiqua nostra euauit subitò? quò immaculata illa nostra (Vigilantissimi custodes) profuga concessit? Heu, iacent cuncta: nihil moderati & pensi in nobis. diuina mandata temerantur passim; sanctis obseruationibus uel à minimo quoque illuditur turpissime. Vera falsis inordinate permista; diuina & humana habentur promiscua. Denique, profunda caligine obrecta cuncta, consépulta dormiunt. Heu quàm deflexum ab officij religione? quàm declinatum nobis omnibus à recto uitæ curriculo? Aureum illud altare, hostiis diuinis sacrum, supra quod saginatum ponimus uitulum igni assumi, unum noui & æterni testamenti sacrificium, & Euangelicæ legis uictimam singularem; ecce omnibus peruium, quod & mille modis prophæti isti uiolant, atque cōmaculant homines sine Deo, sine lege, & absque sacrificio. Quo loco, quod mihi penè memoria exciderat, non silebo. Mirus sanè inter Patres, multis istis retro sæculis de hoc diuino sacramento fuit consen-

fus: neque inter eos uel minimum quidem opinionis finis-
 tra emerfit, quod de Eucharistia aut senserint, aut pro-
 nunciarent: quos scimus ipsam sacratissimam liturgiam
 ad usque uitæ extremum, summo cultu celebrauisse: fue-
 rint illi Græci, siue Latini, at umbratiles delineatores, fi-
 dioresque isti, nunquam non calumniantur impudenter,
 pseudographè colligentes semper. Quibus mos est, quem
 admodum Tertullianus diligentissimè obseruat, è sancto-
 rum hortis amonissimis, & è sanctarum scripturarum pro-
 ptuario, uirgulta quædam decerpere: ut uel sic sacrosan-
 ctam eorum maiestatem quoquo pacto quasi arrodendo
 imminuant, atque evertant. Sed & antiquas illas cœlestis
 structuræ portas, uoracissima flamma, immanissimusque
 ignis assumpsit: cœperuntque Christi Sacerdotes, aliò san-
 ctum Dei intrare. à quo sanè tempore non recti gressus, sed
 regressus in Christi Ecclesia apparere uisi sunt: inde exortæ
 hæreses, agrestesque enati mores, quos nuda ratio, non
 Euangelica lux tantum condemnet. Quòd si contingat
 eum, qui præest, corruptis esse moribus, quo pacto (doce-
 te me Patres beatissimi) miseris ouibus licebit esse bonis,
 & iustis? Quî fiet, rogo, sanet agrotum, fractum soli-
 det, firmet nutantem, plagam tumentem, oleo foueat
 ac tandem quod perierat, requirat is: qui nihil minus
 quam quæ Christi sunt curat? Immo uerò, si coram tanto
 conspectu uera tacuisse, eum qui pro iustitia dicit, imma-
 nissimum fuerit scelus, haud dubium, Sanctissimi Patres,
 ni tanto malo grassanti pessimè, quod & crescit in horas,
 uestra prudentia se opponat, rectè uiuendi rationem om-
 nem in contrarium celsuram, Patrum instituta omnia in-
 fundum itura: Christi iugum modis omnibus leue pressum
 premendum, sed & ipsum naturæ lumen nobis consigna-
 tum breui perditum iri. Horret siquidem animus tempo-
 rum nostrorum ruinas persequi. Multi, proh dolor, fluxe-
 re anni, quibus Romana sedes oppetitur, tentant uastare,
 rapere, trahere. Quòd si non eam, ut quæ supra firmam
 sit ædificata petram: at quot capta monasteria, quot uin-
 cti sacerdotes, quot Episcopi iis beluis fuere ludibrio, dum
 mendacio minimè cedunt? Quot subuersæ ecclesiæ; & ad
 Christi

Christi altare (pudet dicere, sed quid facias? sic fors nostra tulit, sic meritum est nostrum) ad Christi altare, quem locum fides est, sanctos Dei Angelos, latraria pari uenerari; atque cœli aram: miserabile dictum (non paradoxa refero) uidistis Patres, uidistis (istos oculos testes appello) dirutis sacris, ecclesiastico fundo per uim oppresso, sacrificij uas sacrilegio ablatis, Christi cruce comminuta, sanctissimæ Dei Matris, Sanctorumque omnium imaginibus pessimè conspurcatis, & turpissimè scædatis: ad ipsam etiam diuinam aram stabulatos equos. O tempora nostra, o mores? non parcitur cœlo; non aëri. Quid quod neque miserissimæ ipsi terræ parcitur? in cuius uiscera itum est, confossaque dedit ipsa sanctorum ossa, quæ sibi pro arrabone asseruarat; cœlestis illius regenerationis & renouationis, quæ creatura omnis ingemiscēs (ut dicebat Pau.) expectat. Rom. 8.

Quid plura? Martyrum sunt erutæ reliquiæ; ut neque post mortem, iustis altera desit martyrij palma. Ubique luctus, ubique gemitus, & plurima mortis imago. Verum non ego historiam in præsentia dictare intendo, pro qua merito explicanda & Thucydides, & Sallustius muti sint; sed quod initio statui uestris subiicere oculis, quæ nos propter amissam sacerdotibus nostris iustitiam, & pessimè à nobis læsam sanctificationem nostram, undique malè habent, angustias. Vestra siquidem interest, sanctificationem desertam, prophanatum illud altare, portas, quæ exustæ sunt; demum antiqua illa omnia, quæ suo tempore Ecclesiæ, ornatus & splendoris plurimum conferebant, hoc nostro sæculo amissa esurire, & sitire; è re uestra est, fugientem iustitiam nostram retinere, oppressam inuare, propè iamiam labentem manu subleuare, & iacētem erigere. Sacerdotes ergo tui Domine induantur iustitiam, robur, & fortitudinem: quorum labia iubetur custodisse scientiam, & de quorum ore leges sanctissimas, quæ nos in officio contineant, quemadmodum tu ipse præcepisti, Ecce omnes nunc requirimus. dum autem hæc explicatius dicere laboro, & ad sanctissimæ Dei Matris Mariæ, sanctorumque omnium aram religiosissimam, supplex confugio, me spiritus deficit, permisso uestro (qua humanitate estis) paulu-

Psal. 131.
Malac. 2.

lum respirabo, mox uirium copiis quasi collectis, breui mihi uentis spero secundis, quæretur portus, in quem propè fatiscens se recipiat oratio.

Nemo ignorat longè diuersam uos hodierno die iniisse rationem, Patres sanctissimi, ab antiquis illis Patribus, qui uos præcesserunt: quòd illis quidem aduersum hæreses singulas, quas habuit sæculum omne proprias, pro tempore ac ætatibus certatum est legitime. Nicæni siquidem concilij gladio periit Arrius; Sabellium, Constantinopolitana Synodus confudit; impietatem Nestorianam, Ephesium Concilium deprehendit; Eutichetis blasphemiam cum suo Dioscoro Chalcedonense, anathemate percussit; Priscilianistæ (si bene memini) in Bracharensi succubuerunt. Florentina synodus rebellem Græciam, positis utrinque armis, antiquæ Romæ gloriosissimè subegit. At diebus his, quibus ex tot malorum chiliadibus subleuandam se uobis credidit Ecclesia, uniuersæ, & quæ iam obdormiuissent conspultæ, eam agmine certo euiscerandam petunt. Ceciderat iam Arrius, abierat Manichæus, corruerat Iouinianus, dormierat Vigilantius, perierat Felix infelicissimus, Eutiches confusus decesserat: non sic crebrò audiebantur uoces illæ, quæ sponsam è dulci somno deturbarent. Exinanite exinanite usque ad fundamentum in ea. neque filij Mamephos & Taphneos adiciebant, matrem nostram, alioqui Virginem castam, usque ad uerticem constuprare. Summa Hierico muros solo æquatos, propè omnes, sanctissima hac Christi sponsa, ingenti perfusa latiria prospectabat: at sæculo isto ex omnium cineribus natus homo est (si culpa non est hominem dixisse eum, qui uel naturæ lumini renunciarit apertè) de filiis Belial unus, uertiginosum caput ad amussim designatam, nunquam intendens: cui in ista tam præclara studia incumbenti, id semper curæ fuit, Christi Ecclesiam ab occidente, ubi tunc pace florebat, (quemadmodum ab Oriente acceperat) ultra Sauromatas, & in longè remotissimas Orbis partes profugam, extorrem, domibusque eiectam suis, relegare. Quantum ille profecerit (quoniam malum crescit in horas) ut quæ nescimus loca, missa faciamus; Germaniam, Angliam

Psal. 136.

Hiere. 2.

Ios. 6.

Angliam, nobisque finitimas prouincias, testes profero. Aduersus spurium istum de castris Philistinarum, uigessimus ferme agitur annus, ex quo quidem tempore, Christi acies Tridenti ordinata, non sine magna gloria, & ingenti triumpho decertat. Verum (ut dicit quidam) ingenii animi est, cui multum debeas, uelle te eidem debere plurimum. Quare & si uniuersam fidei nostræ confessionsnem, sacramentorum maximè, patribus œcumenicæ synodi, post Deum absolutam, & puram seramus acceptam, præter id, mundari sancta nostra & reuocari, antiquis iustitiam restitui natalibus, Ecclesiæ pulchritudinem resarciri, in hæc omnia tam præclara summique ponderis, Orbis tutus, qui Christo nomen dedit, diuinis aris religiosissimè incumbens, sua nuncupat uota: & egregiè illi sanè. Nam quid cedò æquè pulchrum, quàm si quod multorum peccatis amissimus, multorum nihilominus uitæ integritate restituatur? Vosque Patres uigilantissimi nos omnes in officio continebitis, nosque non cum mediocri usura, & amissa habebimus, & parta tuebimur. Hæc uobis relicta uia est; & (ut ego coniicio) sola reuocandi iterato eos, qui à uobis ad Lutheri castra transfugæ desciscere: ut (si quemadmodum sanctiss. Petrus nos monet) conuersationem nostram, quæ nimium ab antiqua illa degenerauit, in medio generationis huius prauæ & peruersæ habeamus bonam: ut in quo nobis, tanquam de malefactoribus, oblatrant, ex bonis operibus nos considerantes, glorificent communem Deum nobiscum. Nemo sibi fidat. Omnis principatus uita breuis: peccatorum uerò maximè constrictissimus & angustissimus. Meminerint duces nostri, uel cum sanctiss. sene Hieronymo, quo pacto (libet dicere) à Christo passo, nunc uerò potissimum, Romana fides quaritur, quæ stetit semper stabitque perpetuò: & tamen ceruix nostra erecta non flectitur. Olim offensum sentimus, neque placamus Deum: Vultis audire? nostris peccatis hæretici fortes sunt. O' nos infelices & miseròs, qui tantum displicemus Deo, ut per istorum immoderatam rabiem, illius in nos ira defauiat. Haud dubium, sanctissimi Christianæ uitæ instauratores, morbi causis amputatis, morbus ipse

1. Pet. 2.

- cederet ablatuſ . ſtatim cernamus quemadmodum elegantiſſimè de more S . Hieronymuſ de apparatu & exercitu Romano locutuſ ait , Sagittas pilis , tyaras galeis , caballos equis cedere . Potuit Moyſes pro cadente populo erectuſ , diuini furoris impetum , mortis ſuæ oblatione extinguerè ; at hoc poſtquam Iſraëliticæ gentis inclyti ducis imperio , multo populi ſanguine faſo , diuina offenſa expiari cœpit . Potuit Aaron diuinæ animaduerſionis flammam incenſi fumo temperare ; ſed poſtquam inter uiuentes & mortuos mediuſ tharibulum uerſat . Potuit & ſanctiſſ . David , & ante præſinitum tempuſ cœleſtis placationis gratiam inueniſſe ; ſed hoc , poſtquam multam illam eadem , latequæ patentem ſtragem , ex ſuo ipſiuſ peccato proſectam ingemuit & doluit : ſed & acerbè , & durè ſauienti angelo , ſe ipſum trucidandum obtulit . Potuit Heliaſ longo tempore ſiccitatibus ſqualente terra , pluuias uel uerbo ſolo reuocare . Potuit & Ezechiaſ rex , una nocte & ab uno Angelo , mirabile dictu , centum octoginta millia Aſſyriorum proſtrata uidere : uerùm hoc , cùm ipſe priuſ ſtultuſ , & importunuſ Sennacherib in Deum cœli , blaſphemiaſ , capite conſperſo cinere , perſuſuſ lacrymiſ , conſciſiſ uetiſtibuſ , nudis pedibuſ , meliori demum ſua uita corripſit . Potuit Phineeſ indignationi Dei zelum ſuum opponere , diuinuſque ignem ſuo gladio compeſcere : ſed hoc , poſtquam luxuriantes cum alienigeniſ , in ipſo coitu trucidat . Denique nulli uincere difficile eſt , quem pœnitet ſic uixiſſe : ut qui ſuperari & uinci dignuſ haberetur .
- Quod ſi tantopere , literatiſſimi domini , antiqua & uetera illa nos delectant , ducis ego cuiuſdā fortiſſimi , eiufdemque religioſiſſimi Iſraëlitici populi , nulla obliuione perituruſ factuſ , ob oculos in præſentia ſtatuum . Iudaſ ſiquidem Machabæuſ , Gorgia , atq; Lyſia , qui fuerant Dei populo hoſteſ acerrimi , glorioſiſſime deuictiſ , cùm populuſ , genſque uniuerſa , pace aliquantula recrearetur , eoſ , quibuſ præerat , in hunc modū fertur allocutuſ , Ecce contriti ſunt inimici noſtri , (corruerant ſanè multi de exercitu Lyſiæ , quemadmodum ſacra Machab . hiſtoria refert) quid ergo , ociandū ne nobiſ ? minimè gentium . Immo uicò

uerò en se mihi offerunt uiri fratres, quæ canamus epinicia Deo nostro pro uictoria parta. Quare, nec mora, ascendamus, mundare & renouare sancta. Omnia illi feramus accepta, qui manus nostras docuit ad bellum, erexit ad prælium digitos, & posuit arcum brachium nostrum. ascendamus mundare & renouare sancta. continuo exercitus cunctus præsto est, quem dux strenuus post sese humanissimè rapit. O quàm pulchrum uidere quemadmodum præcuntis pastoris uestigiis, ouile simplex hæret. Quid plura? Dei montem ascendunt omnes. uiderunt sanctificationem desertam, altare prophanatum, portas exustas, Deum immortalem, cuius uel ferreum pectus mala hæc non emollirent, atque conminuerent? neque hîc finis, uirgulta uident nata in atriis domus domini, haud secus quàm consueuerint in montibus hominum gressibus minimè pressis enasci. Insuper quò nihil templi illius inter gentes, exterarumque nationes nominis plurimi, inimicorum prophana temeritas integrum reliquisset, Pastophoria dirupit. Ea sanè loca erant, in quibus ex Dei mādato Leuitæ sacris ministraturi morabantur. Pius intuentium animus uix se continuit: & quos non ab hoste sanguis effusus fortunæ melioris spem abicere, neque fractum, & si labore animum despōdere fecit: pietas & religio in lacrymis dedere. gemitum extorsit, non ulcerum dolor, non parentum uel propinquorum, quibus cum uiuissent charissimi, mors crudelis, uisaque; ultrò citroque; cruenta spectacula multa: sed sanctificatio deserta, uiolatusque; cultus maiestatis æternæ. Mēdax sim ego, beatiss. Patres, ni quæ uos sæpe legistis ego narro. quæ pro pace induerant uestimenta concidunt, caput redimitum nuper coronis, ipsis positum, cinere conspergunt. Vix huiusmodi uoces, querulæ immixta lacrymis excipiebantur. Quò nobis adhuc uiuere? quid nos patres nostri genuere, & matres nostræ lucis huius usura donarunt? Scilicet, uidere contritionem populi nostri, & pariter tēpli. Quot iacere uidemus in modum hominis ignobilis absque nomine & sine honore, cuius compositio ablata est? Quis ferat sanctam nostram pulchritudinem, claritatem nostram desolatam? Quò igitur nobis uiuere adhuc? Dū ergo antiquæ matri parentalia celebrant, iustaque; de more soluunt, non illis pro rei digni-

tate, hominis lingua par est, neq; semiarticulata præ lacry-
mis uox dolorē æquat. Quare itum est ad tubas: tubis si-
gnorum inlclamatū est miserimè, ut æther ipse gemitibus
quateretur. Hucusq; lacrymas, hucusq; singultus. Iā audi
ducis studium, iā accipe populi ardorem, iam uide unum-
quēq; manum suam ad fortia immittentem, ut quod de re-
ligione perierat, non sine mirabili & meliori ratione recrea-
retur. Tūc ordinauit Iudas uiros ut pugnaret aduersus eos,
qui erant in arce donēc mūdarent sancta; elegit sacerdotes
sine macula, uoluntatem habentes in lege Dei, & mundaue-
runt, & eiecerunt lapides immundos. Hic iā ego, ò ecclesiæ
Christi principes, libeat audire quæ dicere uix fert animus
doloris impatiens. Quod si domus una, quæ lapide, luto,
lignoque constabat, uix suos capiens, cui in summa mate-
riam terra, formam uerò homo præstabat: hæc inquam,
incommodis, arumnisque calamitosa suis, sic Hebræorum
animos perculsit, Quid cedò futurum arbitramini, uerè
pio, sincereque Christiano pectori, dum stragem paten-
tem latè, ueri illius tabernaculi, quod fixit Deus, & non
homo ad iustam libram æquis (ut dicitur) ponderibus
pensat? Hæc Christi innocentissima sponsa pressuris atque
flagellis uel ab ingratisimo partu immanissimè cæsa, &
euiscerata, uerum illud sui sponsi corpus quinque confos-
sum uulneribus, uerberibusq; innumeris dilaceratum ap-
primè refert nobis, & repræsentat. Flent & dolent qui
sedent ad umbras, cum neque ipfas haberent rerum imagi-
nes, sed ceremoniis, & uelaminibus (ut dicebat Paulus)
morosi suis intra inuolucra quædam sese continebant: &
custodibus Ecclesiæ Christi, post uelum scissum, post tot
dona collata, post suæ fidei cōmissam Ecclesiam, quæ Dei
sanguine stetit, nulli curæ erit: captiua uasa nostra ferat
quiuis; fuerint illa aurea aut argentea? Vos domini castra
ascendistis, mundaturi & renouaturi sancta: duces uestri,
secundum Christum Apostoli (sic enim uocat eos non se-
mel sanctus Dionysius inde Ecclesiastica hierarchia) scri-
pturæ sanctæ pro uobis suos gladios uibrant; patrum com-
mentarij sacri in hac uestra acie stant; canones & concilia
à uobis dimicant ordinatissimè; traditiones apostolicæ
decertant apertè, ecclesiæ non hæri aut nudius tertius na-
ta,

ra, sed quæ iam olim inualuit consuetudo, ingens pro ueritate argumentum patrocinator mirè. Sed & à uobis, pastores optimi, multos obsides habet christiana respublica, qui nos bene sperare satis iubent de uobis, quos ut & incolumes conseruare, tueri, confirmare, ac recuperare possitis, omni ratione erit uobis dimicandum; habet honorem, quem illibatum ad ordinem istum semper detulit. Habet spem, quam firmam de uestro integro iudicio sibi custodit. habet existimationem multo sudore, labore, uigiliisq; collectam, ut si in hac iustitiæ causa, quæ christiani totius populi sine dubio est, uestrum officium & diligentiam probaueritis, hæc quæ dixi retinere per nos incolumia, ac salua possitis. Si uerò tantulum offensum titubatumque sit; ut ea, quæ singulatim ac diu collecta sunt, uno tempore uniuersa perdatis. hoc unum ad inuidiam uestri ordinis, infamiamque nostram sedandam maximè pertinet. Quod & non humano consilio, sed propè diuinitus datum atque oblatum uobis summo reipublicæ christianæ tempore uideretur. De quo negocio, si uos seuerè religiosequè iudicaueritis, auctoritas ea, quæ in uobis remanere debet, hærebit omnino; sin minus, reconciliare existimationem iudiciorum uestrorum apud hæc Sathanæ membra amissam prorsus, Christiani populi gratiam retinere, quam apud eum semper habuistis, satisfacere exteris nationibus, quo pacto possitis, non facillè occurrit excogitare. Eximium est fateor uel ista parte uos Ecclesiæ spem æquare tantum, ne dicam uincere: at ea res non parum uos commonere debet, quòd quauis quæ diximus omnia, magni ponderis, grauiaque sint, tanta sibi fide ea de uobis promittat Ecclesia; de quibus & nobis ipsis solemus polliceri: quòd non uestram uoluntatem à Dei lege, inquā firmam omnis desiderij anchoram sacerdotes suos habere oportet, gloriæ cito morituræ studium dimouebit. probè enim nostis quoniā omnis gloria (si illam, quæ Dei nostri est nullo sæculo moriturā excipias) tanquam flos sæni aestimabitur. Exaruit scænum & flos eius decidit. Non iterum, quæ transeunt cum suo sæculo, cupiditas uersabit animum. Scitis nanq; quoniam filij diuitiarum dormierūt somnum suum, & nihil post inuenerunt in manibus. A quibus iux-

Psal. 36.

Psal. 91.

Psal. 102.

Isa. 40.

Iob 17.

1. Paralip.
po. 21.

ta Euangelicam historiam, nocte illa daemones & animam repetent. Nihil tandem, nihil (certi sumus) ab officio publico discedere faciet eos, quos scimus numeros omnes iustitiæ continere. Num mortis metus terrebit eos, quibus pro Christo & regno eius, quæ est Ecclesia, dedisse animas in mortem, uicisse est? moriendum est enim nobis omnibus, futurumque ut dicamus putredini, quamlibet nunc eam exosam auersetur, tu mihi pater es, uosque ò uernies soror & mater. Ecce enim, patientissimus Iob dicebat, Breues anni nostri transeunt, & semitam per quam nunquam reuertemur, ambulamus mortales nos. Paucissimi ergo dies, & sine honore transacti, quid facient ad illam æternitatem, quæ nos manet? Ostendam uerò nunc quid sacerdotibus principibusque nostris, illustrissimis Ecclesiæ ducibus timendum sit magnopere: quod uos Patres sanctissimi nocturna uersate memoria, uersate diurna. Congregarat profelytos omnes de terra Israël rex sanctissimus Dauid, constituerat ex eis innumeros lapicidas & latimos, qui cædendis, ac poliendis lapidibus studerent. ferrum quoque ad clauos ianuarum, & ad commissuras, habebat plurimum, æris innumerabile pondus: sed & ligna cædrina æstimari non poterant, quæ Sydonij & Tyrij deportauerant ad Dauid, ut Dei domus construeretur. talibus intentum, & qui plura designaret, diuinum intercipit oraculum. Multum sanguinē effudisti, ò Rex Dauid (obicit illi uel Hiero. teste, pessimè interfectū Vriam) plurima bella bellasti, non poteris ædificare domum nomini meo, tanto effuso sanguine, coram me. Audi iam quem mihi ædificatorem elegerim, nascetur tibi filius, qui uir quietissimus erit, cuius & solium firmabo ego in æternum, & me patrem habebit, & item ego ipsum filium. hic ædificabit domum mine meo post te. O Patres & Pastores excellentissimi, cum sitis ipsi sapientes, libenter suffertis insipientes; suffertis siquidem si quis deuorat, si quis accipit, si quis extollitur, si quis in faciem uos cædit. Ego uerò supplex præcabor intentissimi mente id expendere uos solum, ne post omnium hominum & Angelorum oculos in uos coniectos, tantum laudis: uestris manibus eximat altissimus, quam in multo gratiorem sibi futuram seruet generationem. Eo certè

tēlaboris christiana respublica deuenit iam, ad eam misē-
 riā iam processimus Patres, ut non satis fuerit uobis pru-
 dentia uestra, quæ plurima est, Ecclesiasticæ causæ fauissē,
 nisi etiam opportunis lacrymis nouum per uos accendatur
 querendi diuini fauoris studium: in quo nos omnes ea bo-
 na recuperemus, quibus prorsus scelerum nostrorum causa
 destituti esse deprehendimur. Non enim legitimos iudices
 suos solū, christianus Orbis uos appellat nunc; sed sum-
 mum etiam suis fortunis omnibus præsidium in uestris piis
 precibus, lacrymisque sacerdotum & suspitis, constitutum
 esse arbitrantur omnes. Est siquidem diuinæ prouidentię,
 ac sapientię solenne (quemadmodū ab eruditissimo quo-
 dam uiro uerē pio, sincereque christiano elegantissimē
 obseruatum legimus) nonnunquam etiam, piorum bona
 consilia impediri, cū cœperint, niti suis consiliis sine Dei
 uerbo. Sic Adam & Eua cū nato Caim dicerent, possedi
 hominem, per Deum frustrati sunt: Quia humana erat
 cogitatio sine Deo. magnificam in spem erant adducti fore
 semen illud mulieris promissum, sed fallebantur. Sic Isaac
 fallitur in primogenito suo Esau: sic Jacob in Rachel &
 ex ea natis filiis; sic Dauid sanctus haudquaquam efficere
 potuit ut filij sui pacificē & obediēter uiuerent; sic Solo-
 mon omnes edoctrus sapientiam, in proprio filio suo Ro-
 boam fallitur. Sic (inquit) Adhuc multi bona intentione
 conati sunt restituere Ecclesiam lapsam, sed frustra. Cur
 hoc, querit; permittit Deus (respondet) ut nos ipsos
 agnoscamus, nec fidamus nostræ sapientiæ solū, sed de ea,
 ut propriis fidit consiliis desperantes, cōmittamus nos Deo,
 ipsius auxilium inuocantes. Sed & illud mouere uos ma-
 gnopere debet Patres, quod semel laesa diuina iustitia, in
 eum, qui lātoriam intulit, aut certē, in eum, qui cū
 propulsare posset & deberet, non coercuit; aut Deum, aut
 hominem uindictam habitura est. Solet etiam animus ipse
 diuinus mitissimus sanē, in iram atque furorem accendi,
 sæpe in flāmas, & in ignem irritari: solent & diuinæ ma-
 nus, alioqui largissimæ, iudicium nulli non timendum ar-
 ripere, & quod in tempus serum reiecerat supplicium,
 celeriter maturare. ut quā pulchrum sit Dei morientis
 in cruce pro nobis, manus clauis fixas nunc tenere compre-

hensas, quarum beneficio cuncta vobis aduersa silent, prospera omnia & amica uigent; tam horrendum fuerit, uel
Hebr. 10. Paulo sanctissimo teste, in manus Dei uiuētis miseros nos incidisse, quæ nullo prorsus negotio possint in nos cælum & terram armare, & diuini furoris sui uirgam super populum sauisimè exercere. Sed ò infinitæ maiestatis, optime, & maxime Deus, è cuius aspectu, & fruitione, sanctorum gloria pendet, cuius incredibilis affectus, iam ante conditum mundum, in eos, qui tecum in æternitate essent, perenni beatitudine sanctos, mirificè ferebatur, respice precamur in eum, quem Unigenitum tuum carnem factum, tenera atque illibata uirgo dedit: non nos homines quamlibet sceleratos, quamlibet flagitiosos, quamlibet sceleribus obrutos; non nos iam despiciatui habere poteris, quādo frequēs Dei hominis occurret imago. frater etenim noster, & caro nostra est, ut condolere possit iis; qui peccant & errant. Quare noxas nostras, quarum apud te rei agimur, remitte illi, & condona; sacerdotesque tuos, pastores nostros, ò exultatio sanctorum, indue salutare; tuq; beatorum omniū princeps & gloria Iesu, iustorum antesignane cœlestis, noli sponsam postponere, quæ tuis aduoluta pedibus, pæsis crinibus, quos tu aliquando magnificè cōmendasti, lacrymis perfusa, meminere precatur, quod cū natura Deus esses (quod & factis palam ostendisti, dum uel uerbo tuo, animas corporibus admirando postliminio restitueres, rerū elementa uerteres, tempestates sedares, morbos quoslibet propulsares, dæmonibus imperares) tātus ac talis cū esses, summus ipse rerū omnium & auctor & moderator sic te abiecisti, ut non inter homines inedia solum, siti, frigore, æstu, de fatigatione mirum in modum angereris, essesque iniuriis omnibus opportunus; uerū rex tu mentis angelicæ, serui, qui alligandas manus, terga cadenda ultrò præberet, & crucis insons non deuitaret supplicium, induisti personam. Ad hæc omnia perferenda, uehemens ille amor, quo in eā flagrabas, te impulit. Immo uerò sanctissimi illi anni tui, quos à Virginali partu cū ea innocentissimè transegisti, & martyrio immanissimo cōpleuisti, paucissimi tibi uidebantur, proposito gaudio, quod esses in eius amplexus dulcissimos, formosus

sus præ filiis hominum, aliquando iturus. cumque omnem
 haberes in cælo & in terra potestatem, stipulatione certa te
 illi astrinxisti, neminem, te in cælestem illum senatum, su-
 premumque conuentum assumpturum, quem non hæc charis-
 sima tibi sponsa genuisset, sinu fouisset, lacte enutriuisset,
 legibus & moribus instituisset. Neque tibi libuit cælos, unde
 eras illi ingentia dona effusus, conscendere, nisi prius uerbo
 tuo diuino, quo omnia portas, uirtute & ueritate tua id
 illi ratum reliquisses, quod esses cum ea usque in sæculi con-
 summationem mansurus. Per hæc ergo omnia illa te orat,
 & obtestatur, ne inter tot mala, tot errorum caligines, de-
 ficiissimasque hæresum tenebras, post tot amissos filios, quorum
 casum affectus maternus ferre nequit: dum cogitat cum filio
 prodigo epulari, maioremque, in modum aliquando latari, orat
 ne tu ei defuisse uelis. Vos beatissimæ mentes, quæ diuinis
 insertæ Principatibus, chorisque iunctæ cælestibus, splendo-
 rem eisdem confertis amplissimum: quibus eadem pientis-
 sima mater dedit hinc grauida ubera fugere, brachia oc-
 cupare, humeris colloque pendere permisit: uos compellat,
 hæc accepta referri sibi, beneficium beneficio rependi. Hæc
 enim, per patientiam currere ad propositum uobis certamen,
 sæpe hortata est. Eadem, ne cui uestrum, tyrannidi cadere
 contigisset; futura uestro martyrio festis, aspicere in aucto-
 rem & consummatorem fidei uestre, subinde uos mone-
 bat. Hæc ipsa, postquam uos filios suos cælesti illi ciuitati
 domesticos dedidit, & uestris corporibus, quas habere potest
 reliquias, sanctissime honorat, basilicas uestris nominibus
 (quæ charissima habet) appellatas, uelut loca sancta di-
 uino cultui mancipata, affectu piissimo, & deuotione fide-
 lissima adit. Vos denique honorat, colit, defensoresque suos,
 & patronos, assiduis precibus sollicitat. Occurrit itaque
 uos domino exercituum, ne quæ supersunt sacra, in Chri-
 sti ecclesia, communi nostra parente, prosterni, & mise-
 re deuastari patiatur.

Matt. 28.

Neque uos domicilia, quæ uestro sanguine sacrastris, do-
 ctina illustrastis, orationibus muniuistis, tandem uita in-
 nocentissima uestra in meliorem spem erexistis, à spiritu er-
 roris detineri, scædarique feratis: ne ille inde tot hominum
 millia in Tartarum abripiat; unde multos habet cælum do-

mesticos ciues. Ne sit terra uestra maledicto proxima,
 quæ tot filios benedictionis protulit: Sed & uos Christi
 sacerdotes, Ecclesiæ patres & sponsi (ad quos filij Ecclesiæ
 undique collecti nunc populati & innumeris uexati malis
 publicè conflunt) cogitate per generationes singulas,
 quoniam qui iustitiam induunt, non infirmantur. Ioseph
 dum eam custodit, inter teterrimos carceres, angustosque
 compedes, creatus est terræ princeps. Phinees cum hanc
 zelat, accepit testamentum sacerdotij æterni. huius iustitiæ
 dum amore incenditur Elias, raptus est in cælum. Qui iu-
 stitiã sitit saturabitur: qui propter eam aduersa sustinet,
 copiosam in cælis habet & multam repositam mercedem.
 Vos populi prophetæ, principes nostri, & duces, Dei seque-
 stri & arbitri, diuini uerbi uasa & receptacula prima, præ-
 dicatores, & cognitores scripturarum; Dei uoces, testes
 uoluntatis diuinæ, uos habet, sanctissimi domini Christi
 sponsa ueros, ac legitimos pastores: uos sacratori ordina-
 tione supra reliquos sacerdotes iam à priuatis ipsis Aposto-
 lorum temporibus, Deo sacrati estis. Quorum imaginem,
 si Dei sacerdotes expressam reddiderint, sicut & Apostolo-
 rum ipsorum sustinent personam, mox conuentus ille fœli-
 cissimus, supremique capitolij senatores, quemadmodum
 & solent super uno peccatore poenitentiam agente gaudere;
 sic super uniuersa Christi Ecclesia; diem festum illi
 agent in condensis suis, postquam uiderint sceptrum tene-
 re in ea iustitiam, diuinas regnare leges, antiqua dogma-
 ta uigere, Christianis moribus suum locum assignari: ni-
 miumque exultabunt. Ut uerum sit omnino quod in psal-
 mo legimus, Sacerdotes tui domine induantur iustitiam, &
 sancti tui exultent. Tantum exultationis & lætitiæ accre-
 scat iis, quantum illis sanctificationis & iustitiæ. Sed &
 uos sacerdotes sanctissimi, uestre peregrinationis à Chri-
 sto exilio consummato, iustitiam induti, beati & sancti
 exultabitis mercede magna nimis, accipientes gloriam
 ingentem, & nomen æternum. Dixi.

VENETIIS, ex officina Iordani Zileti, ad signum Stellæ.

M D L X I I I.

